



Broj: 16-12-16-2-4080-7/16
I. Sarajevo, 22. 7. 2016. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 69. stav (2) tačka d), i člana 70. st. (1), (2), (4) i (6) Zakona o javnim nabavkama („Službeni glasnik BiH“, broj 39/14), i odredbi Pravilnika o postupku dodjele ugovora o uslugama iz Aneksa II. Dio B Zakona o javnim nabavkama („Službeni glasnik BiH“, broj 104/14), a na preporuku Komisije I za nabavke za potrebe Državne agencije za istrage i zaštitu broj 16-12-16-2-4080/16 od 21.07.2016. godine, u postupku javne nabavke veterinarskih usluga redovnog pregleda i zaštite od psećih bolesti za službene pse Jedinice za specijalnu podršku Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o poništenju postupka javne nabavke veterinarskih usluga redovnog pregleda i zaštite od psećih bolesti za službene pse Jedinice za specijalnu podršku Državne agencije za istrage i zaštitu

Član 1.

Poništava se postupak javne nabavke veterinarskih usluga redovnog pregleda i zaštite od psećih bolesti za službene pse Jedinice za specijalnu podršku Državne agencije za istrage i zaštitu, za koji je Poziv za dostavljanje ponuda objavljen na web stranici Agencije 30.06.2016. godine, iz razloga što dostavljena ponuda ponuđača Veterinarska stanica “Vetlife” d.o.o. Sarajevo nije prihvatljiva.

Član 2.

Ova odluka se ponuđaču dostavlja u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na web stranici Državne agencije za istrage i zaštitu.

Član 3.

Ova odluka stupa na snagu danom donošenja.

O b r a z l o ž e n j e

Odlukom broj 16-12-16-2-4080-1/16 od 17.06.2016. godine pokrenut je postupak javne nabavke veterinarskih usluga redovnog pregleda i zaštite od psećih bolesti za službene pse Jedinice za specijalnu podršku Državne agencije za istrage i zaštitu (u daljem tekstu Agencija). Poziv za dostavljanje ponuda objavljen je na web stranici Agencije dana 30.06.2016. godine. Procjenjena vrijednost predmetne nabavke je 3.000,00 KM bez uračunatog PDV-a za što su novčana sredstva obezbjeđena u okviru budžetskih sredstava Agencije za 2016. godinu.

Komisija I za nabavke za potrebe Državne agencije za istrage i zaštitu (u daljem tekstu: Komisija I) dostavila je Izvještaj o radu broj 16-12-16-2-4080/16 od 21.07.2016. godine sa preporukom.

Na osnovu dostavljenog Izvještaja o radu Komisije I utvrđeno je da je dostavljena jedna ponuda kako slijedi:

Redni broj.	Naziv ponuđača	Jedinična cijena bez PDV-a
1.	Veterinarska stanica "Vetlife" d.o.o. Sarajevo	<ul style="list-style-type: none">- Redovni-preventivni pregled za sve pozicije Tačka 1.1. Poziva za dostavljanje ponuda od a) do f), 159,36 KM,- Redovni-preventivni pregled za sve pozicije Tačka 1.2. Poziva za dostavljanje ponuda od a) do b), 78.02 KM,- Hitna intervencija-cijena jednog dana liječenja u vetrinarskoj ustanovi, 8,30 KM,- Popust u %, 10%

Uvidom u dostavljenu ponudu ponuđača Veterinarska stanica "Vetlife" d.o.o. Sarajevo Komisija I je utvrdila da ponuda navedenog ponuđača nije prihvatljiva iz razloga što ponuđač ne ispunjava uslove i zahtjeve iz Poziva za dostavljanje ponuda.

Naime tačkom 1.3. Poziva za dostavljanje ponuda traženo je dostavljanje izvoda iz važećeg cjenovnika u slučaju hitne intervencije, kada je potrebno izvršiti specijalistički pregled. Takođe, u napomeni navedene tačke Poziva za dostavljanje ponuda traženo je da pored cijena koje će biti predmet vrednovanja ponuda ponuđači treba da dostave izvod iz cjenovnika lijekova, cijenu hospitalizacije pasa po jednom danu liječenja u veterinarskoj ustanovi, te izjavu da će u slučaju potrebe za pružanjem navedenih usluga primjenjivati cijene iz dostavljenog cjenovnika. Uvidom u dostavljenu ponudu Komisija I je konstatovala da ponuđač nije dostavio izvod iz cjenovnika lijekova, cijenu hospitalizacije pasa po jednom danu liječenja u veterinarskoj ustanovi, kao ni izjavu da će u slučaju potrebe za pružanjem navedenih usluga primjenjivati cijene iz dostavljenog cjenovnika. Naime, ponuđač je dostavio samo cjenovnik usluga u kome je navedeno sljedeće:

„U cijenu veterinarskih usluga posebno se obračunava cijena lijekova i materijala osim za preventivna cijepjenja, gdje je cijena vakcine obračunata. Za veterinarske usluge koje nisu obuhvaćene ovim cjenovnikom, primjenjivat će se cijene sličnih usluga u cjenovniku. Veterinarske usluge obavljene van radnog vremena, naplaćuju se više za 50%, ili prema utrošenom vremenu za rad dr. vet. med.“

Takođe, ponuđač Veterinarska stanica "Vetlife" d.o.o. Sarajevo nije dostavio izjavu iz tačke 4.2. Poziva za dostavljanje ponuda, da posjeduje materijalno-tehničke uslove za pružanje navedene usluge, kao ni podatke o licu ovlaštenom za kontakt i komunikaciju sa ugovornim organom iz tačke 4.3. Poziva za dostavljanje ponuda.

Cijeneći naprijed navedeno Komisija I ponudu navedenog ponuđača nije dalje razmatrala niti vrednovala.

Obzirom na naprijed navedeno, a uvažavajući preporuku iz Izvještaja o radu Komisije I odlučeno je da se predmetni postupak okonča donošenjem odluke o poništenju postupka javne nabavke veterinarskih usluga redovnog pregleda i zaštite od psećih bolesti za službene pse Agencije, u smislu odredbe člana 69. stav (2) tačka d) Zakona o javnim nabavkama ("Službeni glasnik BiH" broj 39/14).

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana objavljivanja dobrovoljnog ex ante obavještenja o transparentnosti. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama.

DOSTAVLJENO:

- Ponuđaču 1x,
- Sektoru za mat.-fin poslove,
- a/a.

